

中國方志叢書·華北地方·第四二六號

據

劉鴻達纂修，沈承恩纂輯
民國二十一年石印本

影印

山西省

平陸縣續志

成文出版社有限公司印行



10094252

中華民國六十五年 月壹一版

平陸縣續志

全 冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

光緒庚辰纂輯

平陸縣續志

平陸縣續志序

邑之有志其來尚矣非徒繼文
考獻紀載時事之謂其謂維風
化闡幽明損益古今興革利弊
政事得所遵循士民藉以懲勸
蒞茲土者允宜視為急務豈可
任其殘缺而不修哉己卯之秋

余卸荷氏縣事旋攝平篆下車
之始奉檄修志誠為曠典檢閱
前乘今昔互異蓋續修以來已
百有餘年矣殘編斷簡略而不
詳慨懲勸之無從政治之莫考
於是廣蒐博採得康熙間舊志
並令紳士詳加採訪復同幕友

沈漢卿刺史考訂彙纂另輯續
編閱三月而書成分門別類卷
仍舊乘以示準絕焉耳是故君
子觀地輿則屏翰之業宏矣觀
營建則興廢之念殷矣觀賦役
則損益之道酌矣考職官兵事
能無繭絲保障之思乎考選舉

仕宦能無菁莪棟梁之感乎考
人物列女能無高山景行之慕
乎藝文讀而德業之精備是矣
雜志讀而天人之故繫是矣至
詳其所類列雖習尚之微賤但
之行苟有可取各極闡揚期足
以裨益王化軌範後人豈徒屑

肩於山川物產以廣見博聞而
已乎是為序者

光緒六年庚辰仲夏

賜進士出身奉政大夫同知銜署平
陸縣知縣劉鴻逵撰



三
山
石
記

三

平陸縣續志序

周官職方氏掌天下之地圖辨其邦國人民財用之數故五等諸侯各有國史以紀事秦罷侯置守廢國都而設郡縣亦必有志所以紀理亂之原委政治之得失溯前徵後莫之能違也平

陸在冀州之域地接舜禹舊都
故由巢抗節於箕山傳說躬築
於巖野虞芮讓畔於閭原奇異
侈聲於條嶽傳曰魏俗勤儉蓋
以地狹而隘士寒而秀民貧而
慮俗尚質樸有聖賢之遺風焉
若紀載缺略其何以資治理而

勵後人耶考唐宋以來邑無志
有明嘉靖之四十一年邑尹王
發蒙同邑紳崔汝孝創輯於前
越五年邑令劉應節王學孟重
修於後紀載已備矣崇禎間梓
板因兵燹失遺一邑之典又缺
我

朝康熙九年纂修

大清一統志徵各直省修志以備採
擇知縣徐吳節邑紳李醴補續
之十八年宰斯土者山陰柴應
辰以續編與舊志參差復彙編
之乾隆二十八年知縣韓夔典
李友洙再修之屬稿者邑紳杜

若拙也迄今百有餘年未及增
補光緒五年夏間爵撫憲曾以
晉志歲久失修奏請續輯奉

旨允准通檄修志適余棄官遊幕
寄硯虞城居停劉子儀司馬以
名進士宰斯邑纂修縣志囑余
彙輯自愧菲才夙夜惕然於是

旁求博採得前宰王發蒙原本
八卷曰輿地建置食貨官政選
舉人物藝文雜記柴應辰於每
類首增撮大旨後加論斷其於
閭閻之休戚尤剴切敷陳第文
勝於質前志悉刪之且田賦兵
額諸多遺誤又將原額村里戶

口民生疾苦均皆除之未免失
實從政者何所考據今則仍依
古志採訪輿論其不合於今者
量為變通分為十類更建置曰
營建食貨曰賦役官政曰職官
增兵事列女復稽其所未當核
其所未備據事立言謬為增改

居停因大祲之後瘡痍甫起不
忍重為民累東梁之需力為撙
節令紳董廣為集腋不强人以
所難故仍存舊志另輯續編中
分十類以著其綱彙六十餘則
以詳其目其文甚約而其事少
詳風俗賦役等類擴摭羣書斷